

卷 59

196

孟子

瀧澤清訓點

下

孟子卷之下

朱熹集註

離婁章句上

孟子曰離婁之明公輸子之巧不以規矩不能成方員。
 師曠之聰不以六律不能正五音堯舜之道不以仁政。
 不能平治天下。今有仁心仁聞而民不被其澤不可法。
 於後世者不行先王之道也。故曰徒善不足以為政徒。
 法不能以自行詩云不愆不忘率由舊章遵先王之法。
 而過者未之有也。聖人既竭目力焉繼之以規矩準繩。
 以為方員平直不可勝用也。既竭耳力焉繼之以六律。

正五音不可勝用也既竭心思焉繼之以不忍人之政而仁覆天下矣故曰為高必因丘陵為下必因川澤為政不因先王之道可謂智乎是以惟仁者宜在高位不仁而在高位是播其惡於衆也上無道揆也下無法無守也朝不信道工不信度君子犯義小人犯刑國之所存者幸也故曰城郭不塗兵甲不多非國之災也田野不辟貨財不聚非國之害也上無禮下無學賊民興亡無日矣詩曰天之方蹶無然泄泄泄泄猶沓沓也事君無義進退無禮言則非先王之道者猶沓沓也故曰責難

於君謂之恭陳善閉邪謂之敬吾君不能謂之賊○孟子曰規矩方員之至也聖人人倫之至也欲為君盡君道欲為臣盡臣道二者皆法堯舜而已矣不以舜之所以事堯事君不敬其君者也不以堯之所以治民治民賊其民者也孔子曰道二仁與不仁而已矣暴其民甚則身弑國亡不甚則身危國削名之曰幽厲雖孝子慈孫百姓不能故也詩云殷鑒不遠在夏后之世此之謂也○孟子曰三代之得天下也以仁其失天下也以不仁國之所以廢興存亡者亦然天子不仁不保四海諸

侯不仁不保社稷卿大夫不仁不保宗廟士庶人不仁
 不保四體今惡死亡而樂不仁是猶惡醉而強酒○孟
 子曰愛人不親反其仁治人不治反其智禮人不答反
 其敬行有不得者皆反求諸己其身正而天下歸之詩
 云永言配命自求多福○孟子曰人有恒言皆曰天下
 國家天下之本在國國之本在家家之本在身○孟子
 曰爲政不難不得罪於巨室巨室之所慕一國慕之一
 國之所慕天下慕之故沛然德行溢四海○孟子曰天
 下有道小德役大德小賢役大賢天下無道小役大弱

役強斯二者天也順天者存逆天者亡齊景公曰既不
 能令又不受命是絕物也涕出而女於吳令也小國師
 大國而恥受命焉是猶弟子而恥受命於先師也如恥
 之莫若師文王師文王大王大國五年小國七年必爲政於
 天下矣詩云商之孫子其麗不億上帝既命侯于周服
 侯服于周天命靡常殷士膚敏裸將于京孔子曰仁不
 可爲衆也夫國君好仁天下無敵今也欲無敵天下而
 不以仁是猶執熱而不以濯也詩云誰能執熱逝不以
 濯○孟子曰不仁者可與言哉安其危而利其菑樂其

听以亡者不仁而可與言則何亡國敗家之有有孺子
 歌曰滄浪之水清兮可以濯我纓滄浪之水濁兮可以
 濯我足孔子曰小子聽之清斯濯纓濁斯濯足矣自取
 之也夫人必自侮然後人侮之家必自毀而後人毀之
 國必自伐而後人伐之太甲曰天作孽猶可違自作孽
 不可活此之謂也○孟子曰桀紂之天下也失其民
 也失其民者失其心也得天下有道得其民斯得天下
 矣得其民有道得其心斯得民矣得其心有道所欲與
 之聚之所惡勿施爾也民之歸仁也猶水之就下獸之

走曠也故為淵歐魚者類也為叢歐爵者鷓也為湯武
 歐民者桀與紂也今天下之君有好仁者則諸侯皆
 為之歐矣雖欲無王不可得已今之欲王者猶七年
 之病求三年之艾也苟為不畜終身不得苟不志於仁
 終身憂辱以陷於死亡詩云其何能淑戴晉及溺此之
 謂也○孟子曰自暴者不可與有言也自棄者不可與
 有為也言非禮義謂之自暴也吾身不能居仁由義謂
 之自棄也仁人之安宅也義人之正路也曠安宅而弗
 居舍正路而不由衰哉○孟子曰道在爾而求諸遠事

在易而求諸難人人親其親長其長而天下平○孟子
 曰居下泣而不獲於上民不可得而治也獲於上有道
 不信於友弗獲於上矣信於友有道事親弗悅弗信於
 友矣悅親有道反身不誠不悅於親矣誠身有道不明
 乎善不誠其身矣是故誠者天之道也思誠者人之道
 也至誠而不動者未之有也不誠未有能動者也○孟
 子曰伯夷辟紂居北海之濱聞文王作興曰盍歸乎來
 吾聞西伯善養老者大公辟紂居東海之濱聞文王作
 興曰盍歸乎來吾聞西伯善養老者二老者天下之大

老也而歸之是天下之父歸之也天下之父歸之其子
 焉往諸侯有行文王之政者七年之內必為政於天下
 矣○孟子曰求也為季氏宰無能改於其德而賦粟倍
 他日孔子曰求非我徒也小子鳴鼓而攻之可也由此
 觀之君不行仁政而富之皆棄於孔子者也況於為之
 強戰爭地以戰殺人盈野爭城以戰殺人盈城此所謂
 率土地而食人肉罪不容於死故善戰者服上刑連諸
 侯者次之辟艸萊任土地者次之○孟子曰存乎人者
 莫良於眸子眸子不能掩其惡自中正則眸子瞭焉自

中不正則眸子眊焉聽其言也觀其眸子入焉度哉○
 孟子曰恭者不侮人儉者不奪人侮奪人之君惟恐不
 順焉惡得為恭儉恭儉豈可以聲音笑貌為哉○淳子
 髡曰男女授受不親禮與孟子曰禮也曰嫂溺則援之
 以手乎曰嫂溺不援是豺狼也男女授受不親禮也嫂
 溺援之以手者權也曰今天下溺矣夫子之不援何也
 曰天下溺援之以道嫂溺援之以手子欲手援天下乎
 ○公孫丑曰君子之不教子何也孟子曰勢不行也教
 者必以正以正不行繼之以怒繼之以怒則反夷矣夫

子教我以正夫子未出於正也則是父子相夷也父子
 相夷則惡矣古者易子而教之父子之間不責善責善
 則離離則不祥莫大焉○孟子曰事孰為大事親為大
 守孰為大守身為大不失其身而能事其親者吾聞之
 矣失其身而能事其親者吾未之聞也孰不為事親
 事之本也孰不為守身守之本也曾子養曾皙必有
 酒肉將徹必請所與問有餘必曰有曾皙死曾元養曾
 子必有酒肉將徹不請所與問有餘曰亡矣將以復進
 也此所謂養口體者也若曾子則河謂養志也事親若

曾子者可也○孟子曰人不足與適也政不足間也惟
大人為能格君心之非君仁莫不仁君義莫不義君正
莫不正一正君而國定矣○孟子曰有不虞之譽有求
全之毀○孟子曰人之易其言也無責耳矣○孟子曰
人之患在好為人師○樂正子從於子敖之齊樂正子
見孟子孟子曰子亦來見我乎曰先生何為出此言也
曰子來幾日矣曰昔者曰昔者則我出此言也不亦宜
乎曰舍館未定曰子聞之也舍館定然後求見長者乎
曰克有罪○孟子謂樂正子曰子之從於子敖來徒舖墮

也我不意子學古之道而以舖墮也○孟子曰不孝自
三無後為大舜不告而娶為無後也君子以為猶告也
○孟子曰仁之實事親是也義之實從兄是也智之實
知斯二者弗去是也禮之實節文斯二者是也樂之實
樂斯二者樂則生矣生則惡可已也惡可已則不知足
之蹈之手之舞之○孟子曰天下大悅而將歸已視天
下悅而歸已猶呻也惟舜為然不得乎親不可以為
人不順乎親不可以為舜為子盡事親之道而瞽瞍底豫
瞽瞍底豫而天下化瞽瞍底豫而天下之為父子者定

此之謂大孝

離婁章句下

孟子曰舜生於諸馮遷於負夏卒於鳴條東夷之人也
 文王生於岐周卒於畢郢西夷之人也地之相去也千
 有餘里世之相後也千有餘歲得志行中國乎若合符
 節先聖後聖其揆一也○子產聽鄭國之政以其乘與
 濟人於濟洧孟子曰惠而不知為政歲十一月徒杜成
 十二月輿梁成民未病涉也君子平其政行辟人可也
 焉得人人而濟之故為政者每人而悅之日亦不足矣

○孟子告齊宣王曰君之視臣如手足則臣視君如腹

心君之視臣如犬馬則臣視君如國人君之視臣如上

芥則臣視君如寇讎王曰禮為舊君有服如何斯可為

服矣曰諫行言聽膏澤下於民有故而去則君使人導

之出疆又先於其所往去三年不反然後收田里乎此

之謂三有禮焉如此則為之服矣今也為臣諫則不行

言則不聽膏澤不下於民有故而去則君搏執之又極

之於其所往去之日遂收其田里此之謂寇讎寇讎何

服之有○孟子曰無罪而戮士則大夫可以去罪無而

殺民則士可以徒○孟子曰君仁莫不仁君義莫不義
 ○孟子曰非禮之禮非義之義大人弗爲○孟子曰中
 也養不中才也養不才故人養有賢父兄也如中也養
 不才則賢不肖之相去其間不能以寸○孟子曰人有
 不爲也而後可以有爲○孟子曰言我人之不善當如
 後患何也○孟子曰仲尼不爲甚者也○孟子曰大仁
 者言不必信行不必果惟義所在也○孟子曰大人者
 則不失其赤子之心者也○孟子曰養生者則不足以
 當大事惟送死可以當大事○孟子曰君子深造之以

道欲其自得之也自得之則居之安居之安則資之
 資之深則取之左右逢其原故君子欲其自得之也○
 孟子曰博學而詳說之將以反說約也○孟子曰以善
 服人者未有能服人者也以善養人然後能服天下天
 下不心服而王者未之有也○孟子曰言無實不祥不
 祥之實蔽賢者當之○曰仲尼曰仲尼亟稱於水曰水哉
 水哉何取於水也孟子曰原泉混混不舍晝夜盈科而
 後進放乎四海有本者如是是之取爾苟爲無本七八
 月之間雨集溝澮皆盈其涸也可立而待也故聲聞過

情君子聖之○孟子曰人之所以異於禽獸者幾希庶
民去之君子存之舜明於庶物察於人倫由仁義行非
行仁義也○孟子曰禹惡旨酒而好善言湯執中立賢
無方文王視民如傷望道而未之見武王不泄邇不忘
遠周公思兼三王以施四事其有不合者仰而思之夜
以繼日幸而得之坐以待旦○孟子曰王者之迹熄而
詩亡詩亡然後春秋作晉之乘楚之檮杌魯之春秋一
也其事則齊桓晉文其大則史孔子曰其義則丘竊取
之矣○孟子曰君子之澤五世而斬小人之澤五世而

斬予未得為孔子徒也予私淑諸人也○孟子曰可以
取可以無取取傷廉可以與可以無與與傷惠可以死
可以無死死傷勇○逢蒙學射於羿盡羿之道思天下
惟羿為愈已於是殺羿孟子曰是亦羿有罪焉公明儀
曰宜若無罪焉曰薄乎云爾惡得無罪鄭人使子濯孺
子侵衛衛使庾公之斯追之子濯孺子曰今日我疾作
不可以執弓吾死矣夫問其僕曰追我者誰也其僕曰
庾公之斯也曰吾生矣其僕曰庾公之斯衛之善射者
也夫子曰吾生何謂也曰庾公之斯學射於尹公之他

尹公之他學射於我夫尹公之他端人也其取友必端
矣。庾公之斯至曰夫子何為不執弓曰今日我疾作不
可以執弓曰小人學射於尹公之他尹公之他學射於
夫子我不忍以夫子之道反害夫子雖然今日之事君
事也我不敢廢抽矢扣輪去其金發乘矢而後反○孟
子曰西子蒙不潔則人皆掩鼻而過之雖有惡人齊戒
沐浴則可以祀上帝○孟子曰天下之言性也則故而
已矣故者以利為本所惡於智者為其鑿也如智者若
禹之行水也則無惡於智矣禹之行水也行其所無事也

如智者亦行其所無事則智亦大矣天之高也星辰之
遠也苟求其故千歲之日至可坐而致也○公行子有
子之喪右師往弔入門有進而與右師言者有就右師
之位而與右師言者孟子不與右師言右師不悅曰諸
君子皆與驩言孟子獨不與驩言是簡驩也孟子聞之
曰禮朝廷不歷位而相與言不踰階而相揖也我欲行
禮子敖以我為簡亦不異乎○孟子曰君子所以異於
人者以其存心也君子以仁存心以禮存心仁者愛人
有禮者敬人愛人者人恒愛之敬人者人恒敬之有人

於此其待我以橫逆則君子必自反也我心不仁也必
無禮也此物奚宜至哉其自反而仁矣自反而有禮矣
其橫逆由是也君子必自反也我必不忠矣反而忠矣
其橫送由是也君子曰此亦忘人也已矣如此則與禽
獸爲擇哉於禽獸又何難焉是故君子有終身憂無一
朝之患也乃若所憂則有之舜人也我亦人也舜爲法
於天下可傳於後世我由未免爲鄉人也是則可愛也
憂之如何如舜而矣若夫君子所患則亡矣非仁無爲
也非禮無行也如一朝之患則君子不患而巳矣○曰

禹稷當平世三過其門而不入孔子賢之顏子當亂世
居於陋巷一簞食一瓢飲人不堪其憂顏子不改其樂
孔子賢之孟子曰禹稷顏回同道禹思天下有溺者由
已溺之也稷思天下有飢者由已飢之也是以如是其
急也禹稷顏子易地則皆然今有同室之人鬪者救之
雖被髮纓冠而救之可也鄉鄰有鬪者被髮纓冠而往
救之則惑也雖閉戶可也公都子曰匡章通國皆稱不
孝焉夫子與之遊又從而禮貌之敢問何也孟子曰世
俗所謂不孝者五隋其支四不顧父母之養一不孝也

博奕之飲酒不顧父母之養二不孝也好貨財私妻子
不顧父母之養三之不孝也從耳目之欲以為父母戮
四不孝也好勇鬪狠以危父母五不孝也章子有一於
是乎夫章子子父母責善不相遇也責善朋友之道也
父子責善賊恩之大者夫章子豈不欲有夫妻子母之
屬哉為得罪於父不得近出妻屏子終身不養焉其設
心以為不若是是則罪之大者是則章子已矣○曾子
居武城有越寇或曰寇至盍去諸曰無寓人於我室毀
傷其薪木寇退則曰修我牆屋我將反寇退曾子反左

右曰待先生如此其忠且敬也寇至則先去以為民望
寇退則反殆於不可沉猶行曰是非汝所知也昔沈猶
有負芻之過從先生者七十人未有與焉子思居於衛
有齊寇或曰寇至盍去諸子思曰如彼夫君誰與守孟
子曰曾子子思同道曾子師也父兄也子思臣也微也
曾子子思易地則皆然○儲子曰王使人問夫子果有
以異於人乎孟子曰何以異於人哉堯舜與人同耳○
齊人有一妻一妾而處室者其良人出則必饜酒肉而
後反其妻問所與飲食者則盡富貴也其妻告其妾曰

良人出則必饜酒肉而後反。問其與飲食者。盡富貴也。
 而未嘗有顯者來。吾將啜良人之所之也。發起施從良
 人之所之。徧國中無與立談者。卒之東郭墦間之祭者。
 乞其餘不足。又顧而之他。此其為饜足之道也。其妻歸
 告其妾曰。良人者。所仰望而終身也。今若此。與其妾訕
 其良人。而相泣於中庭。而良人未之知也。施施從外來。
 驕其妻妾。由君子觀之。則人所以求富貴利達者。其妻
 妾不差也。而不相泣者。幾希矣。

萬章章句上

萬章問曰。舜往于田。號泣于旻天。何為其號泣也。孟子
 曰。怨慕也。萬章曰。父母愛之。喜而不忘。父母惡之。勞而
 不怨。然則舜怨乎。曰。長息問於公明高曰。舜往于田。則
 吾既得聞命矣。號泣于旻天。于父母。則吾不知也。公明
 高曰。是非爾所知也。夫公明高以孝子之心。為不若是。
 怨我。竭力耕田。共為子職而已矣。父母之不我愛。於我
 何哉。帝使其子九男二女。百官牛羊倉廩備。以事舜於
 畎畝之中。天下士多就之者。帝將胥天下而遷之焉。為
 不順於父母。如窮人無所歸。天下之士悅之。人之所欲

也而不足以解憂好色人之所欲妻帝之二女而不足
以解憂富人之所欲富有天下而不足以解憂貴人之
所欲貴為天子而不足以解憂人悅之好色富貴無足
以解憂者惟順於父母可以解憂人少則慕父母知好
色則慕少艾有妻子則慕妻子仕則慕君不得於君則
熱中大孝終身慕父母五十而慕者予於大舜見之矣
○萬章問曰詩云娶妻如之何必告父母信斯言也宜
莫如舜舜之不告而娶何也孟子曰告則不得娶男
女居室人之大倫也如告則廢人之大倫以對父母是以

不告也萬章曰舜之不告而娶則吾既得聞命矣帝之
妻舜而不告何也曰帝亦知告焉則不得妻也萬章曰
父母使舜完廩捐階瞽瞍焚廩使浚井出從而拊之象
曰謨蓋都君成我績牛羊父母倉廩父母干戈朕琴朕
張朕二嫂使治朕棲象往入舜宮舜在牀琴象曰鬱陶
思君爾惓惓舜曰惟茲臣庶汝其于予治不識舜不知
象之將殺已與曰奚而不知也象憂亦憂象喜亦喜曰
然則舜偽喜者與曰否昔者有饋生魚於鄭子產子產
使校人畜之池校人烹之反命曰始舍之圉圉焉少則

洋洋焉攸然而逝。子產曰：「得其所哉！得其所哉！」校人出曰：「孰謂子產智？予既烹而食之。」曰：「得其所哉！得其所哉！」故君子河斯以其方難罔以非其道。彼以愛兄之道來，故誠信而喜之，奚偽焉？○萬章問曰：「象日以殺舜為事，立為天子則放之，何也？」孟子曰：「封之也。」或曰：「放焉。」萬章曰：「舜流共工于幽州，放驩兜于崇山，殺三苗于三危，殛有庖有庖之人，奚罪焉？仁人固如是乎？在他人則誅之，在弟則封之。」曰：「仁人之於弟也，不藏怒焉，不宿怨焉，親。」

愛之而已矣。親之欲其貴也，愛之欲其富也。封之有庖，富貴之也。身為天下，弟為匹夫，可謂親愛之乎？敢問或曰：「放者，何謂也？」曰：「象不得有為於其國，天子使吏治其國，而納其貢稅焉，故謂之放。豈得暴彼民哉？雖然，欲常而見之，故源源而來，不及貢，以政接于有庖，此之謂也。」○咸丘蒙問曰：「語云：『盛德之士，君不得而臣，父不得而子。』舜南面而立，堯師諸侯北面而朝之，瞽瞍亦北面而朝之，舜見瞽瞍，其容有蹙。孔子曰：『於斯時也，天下殆哉，岌岌乎。』不識此語誠然乎哉？」孟子曰：「否，此非君子之。」

言齊東野人之語也。堯老而舜攝也。堯典曰二十有八
載。放勳乃徂落。百姓如喪考妣。三年四海遏密八音。孔
子曰天無二日。民無二王。舜既為天下矣。又師天下諸
侯。以為堯三年喪。是二天子矣。咸丘蒙曰舜之不臣堯
則吾既得聞命矣。詩云普天之下。莫非王土。率土之濱
莫非王臣。而舜既為天子矣。敢問瞽瞍之非臣如何。曰
是詩也。非是之謂也。勞於王事而不得養父母也。曰
此莫非王事。我獨賢勞也。故說詩者不以文害辭。不
以辭害志。以意逆志。是為得之。如以辭而已矣。雲漢

之詩曰周餘黎民靡有孑遺。信斯言也。是周無遺民也。
孝子之至。莫大乎尊親之至。莫至莫大乎以天下養為
天子父。尊之至也。以天下養養之至也。詩曰永言孝思
孝思維則。此之謂也。書曰祗載見瞽瞍。夔齊粟。瞽瞍
亦允若是。為父不得而子也。○萬章曰堯以天下與舜
有諸。孟子曰否。天子不能以天下與人。然則舜有天下
也。孰與之。曰天與之。天與之者。諄諄然命之乎。曰否。天
不言。以行與事示之而已矣。曰以行與事示之者。如之
何。曰天子能薦人於天。不能使天與之。天下諸侯能薦

人於天子不能使天子與之諸侯大夫能薦人於諸侯
不能使諸侯與之大夫昔者堯薦舜於天而天受之暴
之於民而民受之故曰天不言以行與事示之而已矣
曰敢問薦之於天而天受之暴之於民而民受之如何
曰使之主祭而百神享之是天受之使之主事而事治
百姓安之是民受之也天與之人與之故曰天子不能
以天下與人舜相堯二十有八載非人之所能為也天
也堯崩三年之喪畢受避堯之子於南河之南天下諸
侯朝覲者不之堯之子而之舜訟獄者不之堯之子而

之舜謳歌者不謳歌堯之子而謳歌舜故曰天也夫然
後之中國踐天子位焉而居堯之宮逼堯之子是篡也
非天與也太誓曰天視自我民視天聽自我民聽此之
謂也○萬章問曰人有言至於禹而德衰不傳於賢而
傳於子有諸孟子曰否不然也天與賢則與賢天與子
則與子昔者舜薦禹於天十有七年舜崩三年之喪畢
禹避舜之子於陽城天下之民從之若堯崩之後不從
堯之子而從舜也禹薦益於天七年禹崩三年之喪畢
益避禹之子於箕山之陰朝覲訟獄者不之益而之啟

曰吾君之子也謳歌者不謳歌益而謳歌敗曰吾君之
子也丹朱之不肖舜之子亦不肖舜之相堯禹之相舜
也歷年多施澤於民久改賢能敬承繼禹之道道之相
禹也歷年少施澤於民未久舜禹益相去久遠其子之
賢不肖皆天也非人之所能為也莫之為而為者天也
莫之致而至者命也匹夫而有天下者德必若舜禹而
又有天下薦之者故仲尼不有天下繼世而有天下天
之所廢必若桀紂者也故益伊尹周公不有天下伊尹
相湯以王於天下湯崩太丁未立外丙二年仲壬四年

太甲頽然湯之典形伊尹放之於桐三年太甲悔過自
怨自艾於桐處仁遷義三年以聽伊尹之訓己也湯歸
于亳周公之不有天下猶益之於夏伊尹之於殷也孔
子曰唐虞禪夏后殷周繼其義一也○萬章問曰人有
言伊尹以割烹要湯有之孟子曰否不然伊尹耕於有
莘之野而樂堯舜之道焉非其義也非其道也祿之以
天下弗顧也繫馬于駟弗視也非其義也非道其也一
亦不以與人一亦不以取諸人湯使人以幣賂之鬻鬻
然曰我何以湯之駿幣為哉我豈若處畎畝之中田是

以樂堯之之道哉湯二便往觀之既而幡然改曰與我
 處賦畝之中由是以樂堯舜之道吾豈若便是君為舜
 之君哉吾豈若便是民為堯舜之民哉吾豈若於吾身
 親見之哉天之生此民也使先和覺後知便先覺覺後
 覺也予天民之先覺者也予將以斯道覺斯民也非予
 覺之而誰也思天下之民匹夫匹婦有不被堯舜之澤
 者若已推而內之構中其自任以天下之重如此故就
 湯而說之以伐夏救民吾未聞在已而正人者也况
 辱已以正天下者乎聖人之行不同也或遠或近

去或不去歸潔其身而已矣吾聞其以堯舜之道要湯

未聞以割烹也伊訓曰天誅造攻自牧宮朕載自毫

萬章問曰或謂孔子於衛主癰疽於齊主侍人瘠環有

諸乎孟子曰否不然也好事者為之也於衛主顏雝由

彌子之妻與子路之妻兄弟也彌子謂子路孔子曰主

我衛卿可得也子路以告孔子曰有命孔子進以禮退

以義得之不得曰有命而主癰疽與侍人瘠環是無義

無命也孔子不悅於魯衛遭宋桓司馬將要而殺之微

服而過宋是時孔子當阮主司城貞子為陳候周臣吾

聞觀近臣以其所爲主觀遠臣以其所主若孔子主齊
 疽與侍人瘠環何以爲孔子○萬章問曰或曰百里奚
 自鬻於秦養牲者五羊之皮食牛以要秦穆公信乎孟
 子曰否不然好事者爲之也百里奚虞人也晉人以垂
 棘之壁與屈產之乘假道於虞以伐虢宮之奇諫百里
 奚不諫知虞公之不可諫而去之秦年已七十矣曾不
 知以食牛干秦穆公爲汙也不謂智乎不可諫而可諫
 哉可謂不智乎知虞公將亡而先去之不可謂不智也
 時舉於秦知穆公之可與有行也而相之不可謂不智

乎相秦而顯其君於天下可傳於後世不賢而能之乎
 自鬻以成其君鄉黨自好者不爲而謂賢者爲之乎

萬章章句下

孟子曰伯夷目不視惡色耳不聽惡聲非其君不事非
 其民不使治則進亂則退橫政之所出橫民之所止不
 忍居也思與鄉人處如以朝衣朝冠坐於塗炭也當紂
 之時居北海之濱以待天下之清也故聞伯夷之風者
 頑夫廉懦夫有立志伊尹曰何事非君何使非民治亦
 進亂亦進曰天之生斯民也使先知覺後知使先覺覺

後覺。予天民之先覺者也。予將以此道覺此民也。思天

下之民匹夫匹婦有不與被堯舜之澤者。若已推而內

之溝中。其自任以天下之重也。柳下惠不羞汗君。不辭

小官。進不隱賢。必以其道遺佚而不怨。阨窮而不潤。與

鄉人處。由由然不忍去也。爾爲爾。我爲我。雖祖禴。裸程

於我側。爾焉能浼我哉。故聞柳下惠之風者。鄙夫寬薄

夫敦。孔子之去齊。接淅而行。去魯曰遲遲吾行也。去父

母國之道也。可以速而速。可以久而久。可以處以處。可

以仕而仕。孔子也。孟子曰。伯夷聖之清者也。伊尹聖之

任者也。柳下惠聖之和者也。孔子聖之時者也。孔子之

謂集大成。集大成也者。金聲而玉振之也。金聲也者。始

條理也。玉振之也者。終條理也。始條理者。智之事也。終

條理者。聖之事也。智譬則巧也。聖譬則力也。由射於百

步之外也。其至爾力也。其中非爾力也。○北宮錡問曰。

周室班爵祿也。如之何。孟子曰。其詳不可得聞也。諸侯

惡其害己也。而皆去其籍。然而軻也。嘗聞其略也。天子

一位公。一位侯。一位伯。一位子。男。同一位。凡五等也。君

一位。卿。一位。大夫。一位。上士。十位。中士。十位。下士。一位。

孟子下

凡六等。天子之制地方千里。公侯皆方百里。伯七十里。子男五十里。凡四等。不能五十里不遠於天子。附於諸侯。曰附庸。天子之卿受地視侯。大夫受地視伯。元士受地視子。男大國地方百里。君十卿祿。卿祿四大夫。大夫倍上士。上士倍中士。中士倍下士。下士與庶人在官者。同祿。祿足以代其耕也。次國地方七十里。君十卿祿。卿祿三大夫。大夫倍上士。上士倍中士。中士倍下士。下士與庶人在官者。同祿。祿足以代其耕也。小國地方五十里。君十卿祿。卿祿二大夫。大夫倍上士。上士倍中士。中士倍下士。下士與庶人在官者。同祿。祿足以代其耕也。

倍下士。下士與庶人在官者。同祿。祿足以代其耕也。耕者之所獲。一夫百畝。百畝之糞。上農夫食九人。上次食八人。中食七人。中次食六人。下食五人。庶人在官者。其祿以是為差。○萬章問曰。敢問友。孟子曰。不挾長。不挾貴。不挾兄弟。而友。友也者。友其德也。不可以有挾也。孟獻子百乘之家也。有友五人焉。樂正襄。牧仲。其三人則予忘之矣。獻子之與此五人者。友也。無獻子之家者也。此五人者。亦有獻子之家。則不與之友矣。非惟百乘之家為然也。雖小國之君。亦有之。費惠公曰。吾於子思則

師之矣。吾於顏般則友之矣。王頃長息則事我者也。非
惟小國之君為然也。雖大國之君亦有之。晉平公之於
亥唐也。人云則入坐。云則坐。食云則食。雖蔬食菜羹未
嘗不飽。蓋不敢不飽也。然終於此而已矣。弗與共天位
也。弗與治天職也。弗與食天祿也。士之尊賢者也。非王
公之尊賢也。舜尚見帝。帝館甥于貳室。亦饗舜。迭為賓
主。是天子而友匹夫也。用下敬上。謂之貴。用上敬下
謂之尊。賢貴貴尊賢。其義一也。○萬章問曰。敢問交際
何心也。孟子曰。恭也。曰。卻之為不恭。何哉。曰。尊者

賜之曰。其所取之者。義乎不義乎。而後受之。以是為不
恭。故弗卻也。曰。請無以辭卻之。以心卻之。曰。其取諸民
之不義也。而以他辭無受不可乎。曰。其交也以道。其接
也以禮。斯孔子受之矣。萬章曰。今有禦人於國門之外
者。其交也以道。其餽也以禮。斯可受禦與。曰。不可。康誥
曰。殺越人于貨。閔不畏死。凡民罔不讞。是不待教而誅
者也。殷受夏。周受殷。所不辭也。於今為烈。如之何其受
之。曰。今之諸侯。取之於民也。猶禦也。苟善其禮。際矣。斯
君子受之。敢問何說也。曰。子以為有王者作。將比今之

諸侯而誅之乎其教之不改而後誅之乎夫謂非其有
 取之者盜也充充類至義之盡也孔子之仕於魯也魯
 人獵較孔子亦獵較獵較猶可而况受其賜乎曰然則
 孔子之仕也非事道與曰事道也事道奚獵較也曰孔
 子先薄正祭器不以四方之食供薄正曰奚不去也曰
 為之兆也兆足以行矣而不行而後去是以未嘗有所
 終三年淹也孔子有見行可之仕有際可之仕有公養
 之仕於季桓子見行可之仕也於衛靈公際可之仕也
 於衛孝公公養之仕也○孟子曰仕非為貧也而有

時乎為貧娶妻非為養也而有時乎為養為貧者辭尊
 居卑辭富居貧辭尊居卑辭富居貧惡乎宜乎抱關擊
 柝孔子嘗為委吏矣曰會計當而已矣嘗為乘田矣曰
 牛羊茁壯長而已矣位卑而言高罪也立乎人之本朝
 而道不行恥也○萬章曰士之不託諸侯何也孟子曰
 不敢也諸侯失國而後託於諸侯禮也士之託於諸侯
 非禮也萬章曰君饑之粟則受之乎曰受之受之何義
 也曰君之於氓也固周之曰周之則受賜之則不受何
 也曰不敢也曰敢問其不敢何也曰抱關擊柝者皆有

常職以食於上。無常職而賜於上者，以為不恭也。曰：君
餽之，則受之；不識，可常繼乎？曰：繆公之於子思也，亟問
亟饋，鼎肉子思不悅於卒也。標使者出諸大門之外，北
面稽首再拜而不受，曰：今而後知君之犬馬畜役，蓋自
是臺無餽也。悅賢不能舉，又不能養也，可謂悅賢乎？曰：
敢問國君欲養君子，如何？斯河謂養矣。曰：以君命將之，
再拜稽首而受，其後廩人繼粟，庖人繼肉，不以君命將
之。子思以為鼎肉使已僕僕爾，亟拜也，非養君子之道
也。堯之於舜也，使其子九男事之；二女，女焉，百官牛羊

倉廩備以養舜於畎畝之中。後舉而加諸上位，故曰：王
公之尊賢者也。○萬章曰：敢曰不見諸侯，何義也？孟子
曰：在國曰市井之臣，在野曰紳衿之臣，皆謂庶人。庶人
不傳質為臣，不敢見於諸侯，禮也。萬章曰：庶人召之，役
則往，役君欲見之，召之則不往，見之何也？曰：往，役義也。
往見不義也，且君之欲見之也，何為也哉？曰：為其多聞
也。為其賢也。曰：為其多聞也，則天子不召師，而況諸侯
乎？為其賢也，則吾未聞欲見賢而召之也。繆公亟見於
子思，曰：古千乘之國，以友士，如何？子思不悅，曰：古之人

有言曰事之云乎豈曰友之云乎コトヲイフカ。アニ子思之不悅也豈不コトヲイフトヤシシ
曰以位則子君也我臣也何敢與君友也以德則子事コトヲイフハ
我者也奚可以與我友千乘之君求與之友而不可得コトモトメタラシ
也而況可召與齊景公田招虞人以旌不至將殺之志コトヲイフ
士不忘在溝壑勇士不忘喪其元孔子奚取焉取非其コトヲイフ
招不往也曰敢問招虞人何以曰以皮冠庶人以旃士コトヲイフ
以旂大夫以旃以大夫之招招虞人虞人死不敢往以コトヲイフ
士之招招庶人庶人豈敢往哉況乎以不賢人之招招コトヲイフ
賢人乎欲見賢人而不以其道猶欲其入而閉之門也コトヲイフ

也禮門也惟君子能由是路出入是門也詩云周羊義ナリレイモンナリクンシヨク
道如路哉其直如矢君子所履小人所視萬章曰孔子ミナソノヤソノナキ
君命召不俟駕而行然則孔子非與曰孔子當仕有官クンメイセバカマ
職而以其官召之也○孟子謂萬章曰一鄉之善士斯シヨク
友一鄉之善士一國之善士斯友一國之善士以大之イツキヤウ
善士斯友天下之善士以友天下之善士爲未足又尚ゼンシハコレ
論古之人頌其詩讀其書不知其人可乎是以論其世イシノヒトヲ
也是尚友也○齊宣王問鄉孟子曰王何鄉之間也王ナリコレンヤウイウナリ
曰鄉不同乎曰不同有貴戚之鄉有異姓之鄉王曰請イハクケイ

問貴戚之鄉曰君大過則諫反覆之而不聽則曰易位
 王勃然變乎色曰王勿異也王問臣臣不敢不以正對
 王色定然後請問異姓之鄉曰君有過則諫反覆之之
 不聽則去

告子章句上

告子曰性猶杞柳也義猶柷捲也以人性爲仁義猶以
 杞柳爲柷捲孟子曰子能順杞柳之性而以爲柷捲乎
 將戕賊杞柳而後以爲柷捲也如將戕賊杞柳以而爲
 柷捲門亦將戕賊人以爲仁義與率天下之人而禍仁

義者必子之言夫○告子曰性猶湍水也決諸東方則

東流決諸西方則西流人性之無分於善不善也猶水

之無分於東西也孟子曰水信無分於東西無分於上

下乎人性之善也猶水之就下也人無有不善水無有

不下今夫水搏而躍之可使過額激而行之可使在山

是豈水之性也其性則然也人之可使爲不善其性亦

猶是也○告子曰生之謂性孟子曰生之謂性也猶白

之謂白與曰然白羽之白也猶白雪之白白雪之白猶

白玉之白與曰然然則犬之性猶牛之性牛之性猶人

之性與。○告子曰。食色性也。仁內也。非外也。義外也。非
 內也。孟子曰。何以謂仁內。義外也。曰。彼長而我長之。非
 有長於我也。猶彼白而我白之。從其白於外也。故謂之
 外也。曰。異於白馬之白也。無以異於白人之白也。不識
 長馬之長也。無以異於長人之長與。且謂長者義乎。長
 之者義乎。曰。吾弟則愛之。秦人之弟則不愛也。是以我
 爲悅者也。故謂之內。長楚人之長亦長。我之長是以長
 爲悅者也。故謂之外也。曰。耆秦人之炙。無以異於耆吾
 炙。夫物則亦有然者也。然則耆炙亦有外與。○孟子曰。

問公都子曰。何以謂義內也。曰。行吾敬。故謂之內也。鄉
 人長於伯兄一歲。則誰敬。曰。敬兄。酌則誰先。曰。先兄。鄉
 人所敬在此。所長在彼。果在外。非由內也。公都子不能
 答。以告孟子。孟子曰。敬叔父乎。敬弟乎。彼將曰。敬叔父。
 曰。弟爲尸。則誰敬。彼將曰。敬弟。子曰。惡在其敬叔父也。
 彼將曰。在位故也。子曰。在位故也。庸敬在兄。斯須之
 敬。在鄉人。季子聞之。曰。敬叔父則敬。敬弟則敬。果在外
 非由內也。公都子曰。冬日則飲湯。夏日則飲水。然則飲
 食亦在外也。○公都子曰。告子曰。性無善無不善也。或

曰性可以為善可以為不善是故文武興則民好善幽
 厲興則民好暴或曰有性善有性不善是故以堯為君
 而有象以瞽瞍為父而有舜以紂為兄之子且以為君
 而有微子啓王子比干今日曰性善然則彼皆非與孟子
 曰乃若其情則可以為善矣乃所謂善也若夫為不善
 非才之罪也惻隱之心人皆有之羞惡之心人皆有之
 恭敬之心人皆有之是非之心人皆有之惻隱之心仁
 也羞惡之心義也恭敬之心禮也是非之心智也仁義
 禮智非由外鑠我也我固有之也弗思身矣故曰求則

得之舍則失之或相倍蓰而無算者不能盡其才者也
 詩曰天生蒸民有物有則民之乘夷好是懿德孔子曰
 為此詩者其知道乎故有物必有則民之乘夷也故好
 是懿德○孟子曰富歲子弟多賴凶歲子弟多暴非天之
 降才爾殊也其所以陷溺其心者然也今夫舂麥播種
 而耰之其地同樹之時又同泮然而生至於日至之時
 皆然矣雖有不同則也有肥磽雨露之養人車之不齊
 也故凡同類者舉相似也何獨至於人而疑之聖人與
 我同類者故龍子曰不知足而為屨我知其不為簣也

履之相似天下之足同也口之於味有同者也易牙先得我口之所嗜者也如使口之於味也其性與人殊若大馬之與我不同類也則天下何者皆從易牙之於味也至於味天下斯於易牙是天下之口相似也惟耳亦然至於聲天下期於師曠是天下之耳相似也惟目亦然至於子都天下莫不知其姣也不知子都之姣者無目者也故曰口之於味也有同者焉耳之於聲也有同聽焉目之於色也有同美焉至於心獨無所同然乎心之所同然者何也謂理也義也聖人先得我心之所同

然耳故理義之悅我心猶芻豢之悅我口○孟子曰牛山之木嘗美矣以其郊於大國也斧斤伐之可以為美乎是其日夜之所息雨露之所潤非無萌孽之生焉牛羊又從而牧之是以若彼濯濯也人見其濯濯也以為未嘗有材焉此豈山之性也哉雖存乎人者豈無仁義之心哉其所以放其良心者亦猶斧斤之於木也且且而伐之可以為美乎其日夜之所息平且之氣其好惡與人相近也者幾希則其且畫之所為有措亡之矣措之反覆則其夜氣不足以存夜氣不足以存則其違禽

獸不遠矣。人見其禽獸也。而以爲未嘗有才焉者。是豈
 人之情也哉。故苟得其養。無物不長。苟失其養。無物不
 消。孔子曰。操則存。舍則亡。出人無時。莫知其鄉。惟心之
 謂與。○孟子曰。無惑乎王之不智也。雖有天下易生之
 物也。一日暴之。十日寒之。未有能生者也。吾見亦罕矣。
 吾退而寒之者至矣。吾如有萌焉。何哉。今夫奕之爲數。
 小數也。不專心致志。則不得也。奕秋通國之善奕者也。
 使奕秋誨二人奕。其一人專心致志。惟奕秋之爲聽。
 一人雖聽之。一心以爲有鴻鵠將至。思援弓繳而射之。

雖與之。但學弗若之矣。爲是其智弗若與。曰。非然也。○
 孟子曰。魚我所欲也。熊掌亦我所欲也。二者不可得兼。
 舍魚而取熊掌者也。生亦我所欲也。義亦我所欲也。二
 者不可得兼。舍生而取義者也。生亦我所欲。所欲有甚
 於生者。故不爲苟得也。死亦我所惡。所惡有甚於死者。
 故患有所不辟也。如使人之所欲莫甚於生。則凡可以
 得生者。何不用也。使人之所惡莫甚於死者。則凡可以
 辟患者。何不爲也。由是則生而有不用也。由是則可以
 辟患而有不爲也。是故所欲有甚於生者。所惡有甚於

死。者。非。獨。賢。者。有。是。心。也。人。皆。有。之。賢。者。能。勿。喪。耳。一
簞。食。一。豆。羹。得。之。則。生。弗。得。則。死。嗚。爾。而。與。之。行。道。之
人。弗。受。蹴。爾。而。與。之。乞。人。不。屑。也。萬。鍾。則。不。辨。禮。義。而
受。之。萬。鍾。於。我。何。加。焉。為。宮。室。之。美。妻。妾。之。奉。所。職。窮
乏。者。得。我。與。郈。為。身。死。而。不。受。今。為。宮。室。之。美。為。之。卿
為。身。死。而。不。受。今。為。妻。妾。之。奉。為。之。鄉。為。身。死。而。不。受
今。為。所。識。窮。乏。者。得。我。而。為。之。是。亦。不。可。以。已。乎。此。之
謂。失。其。本。心。○。孟。子。曰。仁。人。心。也。義。人。路。也。舍。其。路。而
弗。由。放。其。心。而。不。知。求。哀。哉。人。有。谿。犬。放。則。知。求。之。有

放。心。而。不。知。求。學。問。之。道。無。他。求。其。放。心。而。已。矣。○。孟
子。曰。今。有。無。名。之。指。屈。而。不。信。非。疾。痛。害。事。也。如。有。能
信。之。者。則。不。遠。秦。楚。之。路。為。指。之。不。若。人。也。指。不。若。人
則。知。惡。之。心。不。若。人。則。不。知。惡。此。之。謂。不。知。類。也。○。孟
子。曰。拱。把。之。桐。梓。人。苟。欲。生。之。皆。知。所。以。養。之。者。至。於
身。而。不。知。所。以。養。之。者。豈。愛。身。不。若。桐。梓。哉。弗。思。甚。也
○。孟。子。曰。人。之。於。身。也。兼。所。愛。兼。所。愛。則。兼。所。養。也。無
尺。寸。之。膚。不。愛。焉。則。無。尺。寸。之。膚。不。養。也。所。以。考。其。善
不。善。者。豈。有。他。哉。於。已。取。之。而。已。矣。體。有。貴。賤。有。小。大

無以小害大。無以賤害貴。養其小者為小人，養其大者為大人。今有塲師舍其梧櫟，養其楸棘，則為賤塲師焉。養其一指而失其肩背，而不知也，則為狼疾人也。飲食之人，則人賤之矣。為其養小以失大也。飲食之人，無有失也，則口腹豈適為尺寸之膚哉？○公都子問曰：鈞是人也，或為大人，或為小人，何也？孟子曰：從其大體為大人，從其小體為小人。曰：鈞是人也，或從其大體，或從其小體，何也？曰：耳目之官不思而蔽於物，物交物則引之而已矣。心之官則思，思則得之，不思則不得也。此天之所

與我者。先立乎其大者，則其小者不能奪也。此為大人而已矣。○孟子曰：有大爵者，有人爵者，仁義忠信樂善，不倦此天爵也。公卿大夫此人爵也。古之人脩其天爵，而人爵從之。令之人脩其天爵，以要人爵，既得人爵而棄其天爵，則惑之甚者也。終亦必亡而已矣。○孟子曰：欲貴者人之同心也。人人有貴於己者，弗思耳人之所貴者，非良貴也。趙孟之所貴，趙孟能賤之。詩既云：「既以酒既飽，以德言飽乎仁義也。」所以不願人之膏粱之味也。今聞廣譽施於身，所以不願人之文繡也。○孟子曰

仁之勝不仁也猶水勝火今之爲仁者猶以一杯水救
 一車薪之火也熄不則謂之水不勝火此又與於不仁
 之甚者也亦終必亡而已矣○孟子曰五穀者種之美
 者也苟爲不熟不如莠稗夫仁亦在乎熟之而已矣○
 孟子曰羿之教人射必志於毅學者亦必志於毅大匠
 誨人必以規矩學者亦必以規矩

告子章句下

任人有問屋廬子曰禮與食孰重曰禮重色與禮孰重
 曰禮重曰以禮食則飢而死不以禮食則得食必以禮

乎親迎則不得妻不親迎則得妻必親迎乎屋廬子不
 能對明日之鄭以告孟子曰於答是也何有不揣本其
 而齊其本方寸之木可使高於岑樓金重於羽者也曰
 豈謂一鈞金與一輿羽之謂哉取食之重者與禮之輕
 者而比之奚翅食重取色之重者與禮之輕者而比之
 奚翅色重往應之曰軫兒之臂而奪之食則得食不軫
 則不得食則將軫之乎踰東家牆而撻其處子則得妻
 不撻則不得則將妻則將撻之乎曹交問曰人皆可爲
 堯舜有諸孟子曰然交聞文王十尺湯九尺今交九尺

四寸以長食粟而已如何則可曰奚有於是亦爲之而已矣有人於此力不能勝一匹離則爲無力人矣今日舉百鈞割爲有力人矣然則舉烏獲之任是亦爲烏獲而已矣夫人豈以不勝爲患哉弗爲耳徐行後長者謂之弟疾行先長者謂之不弟夫行者徐豈人所不能哉所不爲也堯舜之道孝弟而已矣子服堯之服誦堯之言行堯之行是堯而已矣子服桀之服誦桀之言桀行行是桀而已矣曰交得見於鄒君可以假館願留而受業於門曰夫道若大路然豈難知哉人病不求耳子歸

而求之有餘師○公孫丑問曰高子曰小弁小人之謂也孟子曰何以言之曰怨曰固哉高叟之爲詩也有人於此越人關弓而射之則已談笑而道之無他疏之也小弁之怨親親也親親仁也固矣
凱風何以不怨曰凱風親之過小者也小弁親之過大者也親之過大而不怨是愈疏也親之過小而怨是不可磯也愈疏不孝也不可磯亦不孝也孔子曰舜其至孝矣五十而慕○宋慳將之楚孟子遇於石丘曰先生

將何之曰吾聞秦楚構兵我將見楚王說而罷之楚王
 不悅我將見秦王說而罷之二王我將有所過焉曰軻
 也請無問其詳願聞其指說之將何如曰我將言其不
 利也曰先生之志則大矣先生之號則不可先生以利
 說秦楚之王秦楚之王說於利以罷三軍之師是三軍
 之士樂罷而悅於利也為人臣者懷利以事其君為人
 子者懷利以事其父為人弟者懷利以事其兄是君臣
 父子兄弟終去仁義懷利以相接然而不亡者未之有
 也先生以仁義說秦楚之王秦楚之王悅於仁義而罷

三軍之師是三軍之士樂罷而悅於仁義也為人臣
 者懷仁義以事其君為人子者懷仁義以事其父為人
 弟者懷仁義以事其兄是君臣父子兄弟去利懷仁義
 以相接也然而不王者未之有也何必曰利○孟子居
 鄒季任為任處守以幣交受之而不報處於平陸儲子
 為相以幣交受之而不報他日由鄒之任見季子由平
 陸之齊不見儲子屋廬子喜曰連得問矣問曰夫子之
 任見季子之齊不見儲子為其為相與曰非也書曰享
 多儀不及物曰不享惟不役志于享為其不成享也屋

盧子悅或問之屋廬子曰季子不得之鄒儲子得之平
陸○淳于髡曰先名實者爲人也後名實者自爲也夫
子在三卿之中名實未加於上下而去之仁者固如此
乎孟子曰居下位不以賢事不肖者伯夷也五就湯五
就桀者伊尹也不惡任君不辭小官者柳下惠也三子
者不同道其趨一也一者何也曰仁也君子亦仁而已
矣何必同曰魯繆公之時公儀子爲政子柳子思爲臣
魯之削也滋甚若是乎賢者之無益於國也曰虞不用
百里奚而亡秦穆公用之而霸不用賢則亡削何可得

與曰昔者王約處於淇而河西善謳縣駒處於高唐而
齊右善歌華周杞梁之妻善哭其夫而變國俗有諸內
必形諸外爲其事而無其功者髡未嘗覩之也是故無
賢者也有則髡必識之曰孔子爲魯司寇不用從而祭
燔肉不至不稅冕而行不知者以爲肉也其知者以爲
爲無禮也乃孔子則欲以微罪行不欲爲苟去君子之
所爲衆人固不識也○孟子曰五霸者三王之罪人也
今之諸侯五霸之罪人也今之大夫今之諸侯之罪人
也天子適諸侯曰巡符諸侯朝於天子曰述職春省耕

而補不足秋省欵而助不給入其疆土地辟田野治
 養老尊賢俊傑在位則有慶慶以地久其疆土地荒蕪
 遺老失賢措克在拉則有讓一不朝則貶其爵再不朝
 則削其地三不朝則六師後之是故天子討而不伐諸
 侯伐而不討五霸者據諸侯以伐諸侯者也故曰五霸
 者三王之罪人也五霸桓公為盛葵丘之會諸侯束牲
 載書而不歃血初命曰誅不孝無易樹子無以妾為妻
 再命曰尊賢育才以彰有德三命曰敬老慈幼無忘賓
 旅四命曰士無世官官事無攝取士必得無專殺大夫

五命曰無曲防無遏籜無有封而不告曰凡我同盟之
 人既盟之後言歸于好今之諸侯此杞皆五禁故曰今
 之諸侯五霸之罪人也長君之惡其罪小逢君之惡其
 罪大今之大夫皆逢君之惡故曰今之大夫今之諸侯
 之罪人也○魯欲使慎子為將軍孟子曰不教民而用
 之謂之殃民殃民者不容於堯舜之世一戰勝齊遊有
 南陽然且不可慎子勃然不悅曰此則滑釐所不識也
 曰吾明告子天子之地方千里不足以待諸侯不千里
 諸侯之地方百里不足以守宗廟之典籍周公

之封於魯爲方百里也地非不足而險於百里太公之
 封於齊也亦爲方里百也地非不足也而儉於百里令
 魯方百里者五子以爲有王者作則魯在所損乎在所
 益乎徒取諸彼以與此然且仁者不爲况於殺人以求
 之乎君子之事君也務引其君以當道志於仁而已○
 孟子曰今之事君者曰我能爲君辟土地充府庫今之
 所謂良臣古之所謂民賊也君鄉道不不忘於仁而求
 富之是富桀也我欲爲君約與國戰心克今之所謂良
 臣古之所謂民賊也君鄉道不不忘於仁而求爲之強

戰是輔桀也由今之道無變今之俗雖與之天下不能
 一也居也○白圭曰吾欲二十而取一何如孟子曰子
 之道貉道也萬室之國一人陶則可乎曰不可器不足
 周也曰夫貉五穀不生惟黍生之無城郭宮室宗廟祭
 祀之禮無諸侯幣帛饗殮無百官有司故二十取一而
 足也今居中國去人倫無君子如之何其可也陶以寡
 且不可以爲國况無君子乎欲輕之於堯舜之道者大
 貉小貉也欲重之於堯舜之道者大桀小桀也○白圭
 曰丹之治水也愈於禹孟子曰子過矣禹之治水水之

道也是故禹以四海為壑今吾子以鄰國為壑水逆行
謂之洿水洿水者洪水也仁人之所惡也吾子過矣○
孟子曰君子不亮惡乎執○魯欲使樂正子為政孟子
曰吾聞之喜而不寐公孫丑曰樂正子強乎曰否有知
慮乎曰否多聞識乎曰否然則奚為喜而不寐曰其為
人也好善好善足乎曰好善優於天下而况魯國乎夫
苟好善則四海之內皆將輕千里而來告之以善夫苟
不好善則人將曰訑訑予既已知之矣訑訑之聲音顏
色距人於千里之外士止於千里之外則讒諂面諛之

人至矣與讒諂面諛之人居國欲治可得乎○陳子曰
古之君子何如則任孟子曰所就三所去三迎之致敬
以有禮言將行其言也則就之禮貌未衰言弗行也則
去之其次雖未行其言也迎之致敬以有禮則就之禮
貌衰則去之其下朝不食夕不食飢餓不能出門戶君
聞之曰吾大者不能行其道又不能從其言也使飢餓
於我土地吾恥之周之亦可受也免死而已矣○孟子
曰舜發於畎畝之中傳說舉於版築之間膠鬲舉於魚
鹽之中管夷吾舉於士孫叔敖舉於海百里奚舉於市

故天將降大任於是人也必先若其心志勞其筋骨餓其體膚空之其身行拂亂其所為所以動心忍性曾益其所不能人恒過然後能改困放心衛於慮而後作徵於色發於聲而後喻入則無法家拂士出則無敵國外患者國恒亡然後知生於憂患而死於安樂也○孟子曰教亦多術矣予不屑之教誨也者是亦教誨之而已矣

盡心章句上

孟子曰盡其心者知其性也知其性則知天矣存其心養其性所以事天也殀壽不貳脩身以俟之所以立命

也○孟子曰莫非命也順受其正是故知命者不立乎巖牆之下盡其道而死者正命也桎梏死者非正命也

○孟子曰求則得之舍則失之是求有益於得也求在我者也求之有道得之有命是求無益於得也求在外

者也○孟子曰萬物皆備於我矣反身而誠樂莫大焉強恕而行求仁莫近焉○孟子曰行之而不著焉習矣

而不察焉終身由之而不知其道者衆也○孟子曰人不可以無恥之恥無恥矣○孟子曰恥之於人大矣為

機變之巧者無所用恥焉不恥不若人何若人有○孟子

子曰古之賢王好善而忘勢古之賢士何獨不然樂其道而忘人之勢故王公不致敬盡禮則不得亟見之見且猶不得亟而况得而臣之乎○孟子謂宋句踐曰子好遊乎吾語子遊人知之亦囂囂人不知亦囂囂曰何如斯可以囂囂矣曰尊德樂義則可以囂囂矣故士窮不失義達不離道窮不失義故士得已焉達不離道故民不失望焉古之人得志澤加於民不得志脩身見於世窮則獨善其身達則兼善天下○孟子曰待文王而後興者凡民也若夫豪傑之士雖無文王猶興○孟子

曰附之以韓魏之家如其自視欲然則過人遠矣○孟子曰以佚道使民雖勞不怨以生道殺民雖死不怨殺者○孟子曰霸者之民驩虞如也王者之民皞皞如也殺之而不怨利之而不庸民曰遷善而不知為之者夫君子所過者化所存者神上下與天地同流豈曰小補之哉○孟子曰仁言不如仁聲之入人深也善政不如善教之得民心○孟子曰人之所不學而能者其良知也所不慮而知者其良知也孩提之童無不知愛其親也

及其長也。無不知敬其兄也。親親仁也。敬長義也。無他
 達之天下也。○孟子曰：舜之居深山之中，與木石居，與
 鹿豕遊，其所以異於深山之野人者，幾希。及其聞一善
 言，見一善行，若決江河沛然莫之能禦也。○孟子曰：無
 為其所不為，無欲其所不欲，如此而已矣。○孟子曰：人
 之有德慧術知者，恒存乎疢疾。獨孤臣孽子，其操心也
 危，其慮患也深，故達。○孟子曰：有事君人者，事是君則
 為容悅者也。有安社稷臣者，以安社稷為悅者也。有天
 民者，達可行於天下，而後行之者也。有大人者，正己而

物正者也。○孟子曰：君子有三樂，而王天下不與存焉。
 父母俱存，兄弟無故，一樂也。仰不愧於天，俯不忤於人，
 二樂也。得天下英才而教育之，三樂也。君子有三樂，而
 王天下不與存焉。○孟子曰：廣士衆民，君子欲之所樂
 不存焉。中天下而立，定四海之民，君子樂之所性不存
 焉。君子所性，雖大行不加焉，雖窮居不損焉，分定故也。
 君子所性，仁義禮智根於心，其生色也晬然，見於面，盎
 於背，施於四體，四體不言而喻。○孟子曰：伯夷辟紂，居
 北海之濱，聞文王作興，曰：盍歸乎來！吾聞西伯善養老

者太公辟紂居東海之濱聞文王作興曰盍歸乎來吾
聞西伯善養老者天下有善養老則仁人以為已歸矣
五畝之宅樹牆下以桑匹婦蠶之則老者足以衣帛矣
五母難二母彘無失其時老者足以無失肉矣百畝之
田匹夫耕之八口之家可以無飢矣所謂西伯善養老
者制其田里教之樹畜導其妻子使養其老五十非帛
不煖七十非肉不飽不煖不飽謂之凍餒文王之民無
凍餒之老者此之謂也○孟子曰易其田疇薄其稅斂
民可使富也食之以時用之以禮財不可勝用也民非

水火不生活昏募叩人之門戶求水火無弗與者至是
矣聖人治天下使有菽粟如水火菽粟如水火而民焉
有不仁者乎○孟子曰孔子登東山而小魯登太山而
小天下故觀於海者難為水遊於聖人之門者難為言
觀水有術必觀其瀾日月有明容光必照焉流水之為
物也不盈科不行君子之志於道也不成章不達○孟
子曰雞鳴而起孳孳為善者舜之徒也雞鳴而起孳孳
為利者蹠之徒也欲知舜與蹠之分無他利與善之間
也○孟子曰揚子取為我拔一毛而利天下不為也墨

子兼愛。摩頂放踵。利天下。為之。子莫執中。執中為近之。
 執中無權。猶執一也。所惡執一者。為其賊道也。舉一而
 廢百也。○孟子曰。飢者甘食。渴者甘飲。是未得飲食之
 正也。飢渴害之也。豈惟口腹有飢渴之害。人心亦皆有
 害人能無以飢渴之害為心害。則不及人不為憂矣。○
 孟子曰。柳下惠不以三公易其介。○孟子曰。有為者辟
 若掘井。掘井九轍而不及泉。猶為棄井也。○孟子曰。堯
 舜性之也。湯武身之也。五霸假之也。久假而不歸。惡知
 其非有也。○公孫丑曰。伊尹曰。予不狎于不順。故太甲

于桐氏大悅。太甲賢。又反之。民大悅。賢者之為人臣也。
 其君不賢。則固可放。與孟子曰。有伊尹之志。則可。無伊
 尹之志。則篡也。○公孫丑曰。詩曰。不索餐兮。君子之不
 耕而食。何也。孟子曰。居是國也。其國用之。則安富尊榮。
 其子不從之。則孝弟忠信。不素餐兮。孰大於是哉。○王
 子墊問曰。士何事。孟子曰。尚志。曰。何謂尚志。曰。仁義而
 己矣。殺一無罪。非仁也。非其有而取之。非義也。居惡在。
 哉。仁是也。路惡在。義是也。居仁由義。大人之事備。○孟
 子曰。仲子不義。與之齊國。而弗受人。皆信之。是合簞食

豆羹之義也莫大焉。七親戚君臣上下以其小者而後信其大者矣。可哉。○桃應問曰舜為天子皋陶為士瞽瞍殺人則知之何。孟子曰執之而已矣。然則舜不禁與。曰夫舜惡得而禁之。夫有所受之也。然則如之何。舜曰舜視棄天下猶棄敝屣也。竊負而逃遵海濱而處終身。訴然樂而忘天下。○孟子自范之齊望見齊王之子墨然歎曰居移氣養移體大哉居乎。夫非盡人之子與。孟子曰王子宮室車馬衣服多與人同而王子若彼者其居使之然也。况居天下之廣居者乎。魯君之宋呼於垓

澤之門守者曰此非吾君也何其聲之似我君也。此無他居相似也。○孟子曰食而弗愛豕交之也。愛而不敬獸畜之也。恭敬者幣之末將者也。恭敬而無實君子不可虛拘。○孟子曰形色天性也。惟聖人然可以踐形哉。○齊宣王欲短喪公孫丑曰為菴之喪猶愈於已乎。孟子曰是猶或於其兄之臂。子謂之姑徐徐云爾亦教之孝弟而已。王子有其母死者其傅為之請數月之喪公孫丑曰若此者如何也。曰是欲終之而不可得也。雖加一日愈於已。謂夫莫之禁而弗為者也。○孟子曰君子

之所以教者有知時兩化之者有成德者有達財者五
 有答問者有私淑艾者此五者君子之所以教也○公
 孫丑曰道則高矣宜若登天然似不可及也何可使彼
 為可幾及而日孳孳也孟子曰大匠不為拙工改竅繩
 墨羿不為拙射變其執率君子引而不可發躍如也中
 道而立能者從之○孟子曰天下有道以道殉身天下
 無道以身殉道未聞以道殉乎人者也○公都子曰滕
 更之在門也若在所禮而不答何也孟子曰挾貴而問
 挾賢而問挾長而問挾有勲勞而問故而問之則皆所

不答也滕更有二焉○孟子曰於不可已而已者無所
 不已於所尊者薄無所不薄也其進銳者其退速○孟
 子曰君子於物也愛之而弗仁於民也仁之而弗親
 親親而仁民仁民而愛物○孟子曰知者無不知也當
 務之為急仁者無不相也急親賢之為務堯舜之知而
 不偏物急先務也堯舜之仁不偏愛人急親賢也不能
 三年之喪而緦小幼之察放飯流歎而問無齒決是之
 謂不知務
 盡心章句下

孟子曰不仁哉梁惠王也仁者以其所愛及其所不愛
 不仁者以其所不愛及其愛公孫丑曰何謂也梁惠王
 以土地之故糜爛其民而戰之大敗將復之恐不能勝
 故驅其所愛子弟以殉之是之謂以其所不愛及其所
 愛也○孟子曰春秋無義戰彼善於此則有之矣征者
 上伐下也敵國不相征也○孟子曰盡信書則不如
 無書吾於武成取二三策而已矣仁人無敵於天下以
 至仁伐至不仁而何其血之流杵也○孟子曰有人曰
 我善為陳我善為戰大罪也國君好仁天下無敵焉南

面而征北狄怨東面而征西夷怨曰奚為後我武王之
 伐殷也革車三百兩虎賁三千人王曰無畏寧爾也非
 敵百姓也若崩厥角稽首征之為言正也各欲正己也
 焉用戰○孟子曰梓匠輪輿能與人規矩不能使人巧
 ○孟子曰舜之飯糗茹艸也若將終身焉及其為天下
 也披衽衣鼓琴二女果若固有之○孟子曰吾今而後
 知殺人親之重也殺人之父人亦殺其父殺入兄人亦
 殺其兄然則非自殺之也一間耳○孟子曰古之為關
 也將以禦暴今之為關也將以為暴○孟子曰身不行

道不行於妻子使人不以道不能行於妻子○孟子曰

周于利者凶年不能殺周于德者邪世不能亂○孟子

曰好名之人能讓千乘之國苟非其人簞食豆羹見於

色○孟子曰不信仁賢則國空虛無禮義則上下亂無

政事則財用不足○孟子曰不仁而得國者有之矣不

仁而得天下未之有也○孟子曰民為貴社稷次之君

為輕是故得乎丘民而為天子得乎天子為諸侯得乎

諸侯為大夫諸侯危社稷則變置犧牲既成絜盛既潔

祭祀以時然而早乾水溢則變置社稷○孟子曰聖人

百世之師也伯夷柳下惠是也故聞伯夷之風者頑夫

廉懦夫有立志聞柳下惠之風者薄夫敦鄙夫寬奮乎

百世之上百世之下聞者莫不興起也非聖人而能若

是乎而況於親炙之者乎○孟子曰仁也者人也合而

言之道也○孟子曰孔子之去魯曰遲遲吾行也去父

母國之道也去齊接淅而行去他國之道也○孟子曰

君子之危於陳蔡之間無上下之交也○貉稽曰稽大

不理於口孟子曰無傷也士憎茲多口詩云憂必悄悄

愠于羣小孔子也肆不矜厥愠亦不殞厥問文王也○

孟子曰賢者以其昭昭使人昭昭今以其昏昏使人昭昭○孟子謂高子曰山徑之蹊間介然用之而成路爲間不用則茅塞之矣今茅塞子之心矣○高子曰禹之聲尚文王之聲孟子曰何以言之曰以追蠡曰是奚足哉城門之軌兩馬之力與○齊饑陳臻曰國人皆以夫子將復爲發棠殆不可復孟子曰是爲馮婦也晉人有馮婦者善搏虎卒爲善士則之野有衆逐虎虎負嵎莫之敢櫻望見馮婦趨而迎之馮婦攘臂下車衆皆悅之其爲士者笑之○孟子曰口之於味也目之於色也耳

之於聲也鼻之於臭四肢之於安佚也性也有命焉君子不謂性也仁之於父子也義之於君臣也禮之於賓主也智之於賢者也聖人之於天道也命也有性焉君子不謂命也○浩生不害問曰樂正子何人也孟子曰善人也信人也何謂善何謂信曰可欲之謂善有謂己之謂信充實之謂美充實而有光輝之謂大大而化之謂聖聖而不可知之之謂神樂正子二之中四之下也○孟子曰逃墨必歸於楊逃楊必歸於儒歸斯受之而已矣今之與楊墨辨者如追放豚旣入其苙又從而招

之○孟子曰有布縷之征粟米之征力役之征君子用
其一緩其二用其二而民有辟用其三而父子離○孟
子曰諸侯之寶三土地人民政事寶珠王者歿必及身
○益成括仕於齊孟子曰死矣益成括益成括見殺門
人問曰夫子何以知其將見殺曰其爲人也小有才未
聞君子之大道也則足以殺其軀而已矣○孟子之勝
館於上宮有業履於牖上館人求之弗得或問之曰若
是乎從者之廢也曰子以是爲竊履來與曰殆非也夫
子之設科也往者不追來者不拒苟以是心至斯受之

而已矣○孟子曰人皆有所不忍達之於其所忍仁也
人皆有所不爲達之於其所爲義也人能充無欲害人
之心而仁不可勝用也人能充無穿踰之心而義不可
勝用也人能充無受爾汝之實無所往而不爲義也士
未可以言而言是以言飾之也可以言而不言是以不
言飾之也是皆穿踰之類也○孟子曰言近而指遠者
善言也守約而施博者善道也君子之言也不下帶而
道存焉君子之守脩其身而天下平人病舍其田而芸
人之田所求於人者重而所以自任者輕○孟子曰堯

舜性者也湯武反之也。勃容周施中禮者盛德之至也。

哭死而哀非為生者也。經德不回非以于祿也。言語必

信非以正行也。君子行法以俟命而已矣。○孟子曰說

大人則競之勿視其巍巍然堂高數仞椳題數尺我得

志弗為也。食前方丈侍妾數百人我得志弗為也。般樂

飲酒驅騁田獵後車千乘我得志弗為也。在彼者皆我

所不為也。在我者皆古之制也。吾何畏彼哉。○孟子曰

義心莫善於寡欲其人為也。寡欲雖有不存焉者寡矣。

其為人也。多欲雖有存焉者寡矣。○曾皙嗜羊棗而曾

子不忍食羊棗。公孫丑問曰。膾炙與羊棗孰美。孟子曰

膾炙哉。公孫丑曰。然則曾何為食膾炙而不食羊棗。曰

膾炙所同也。羊棗所獨也。諱名不諱姓。姓所同也。名所

獨也。○萬章問曰。孔子在陳曰。蓋歸乎來。吾黨之士狂

簡進取。不忘其初。孔子在陳何思魯之狂士。孟子曰。孔

子不得中道而與之必也。狂狷者。狂者進取。狷者有所

不為也。孔子豈不欲中道哉。不必得故思其次也。敢問

何如斯可謂狂矣。曰。如琴張。曾皙。牧皮者。孔子之所謂

狂矣。何以謂之狂也。曰。其志嘒嘒然曰。古之人古之人

夷考其行而不倦焉者也狂者又不可得欲得不肖不
潔之士而與之是環也是又其次也孔子曰過我門不
入我室我不憾焉者其惟鄉原乎鄉原德之賊也曰何
如斯可謂之鄉原矣曰何以是嚶嚶也言不顧行行不
顧言則曰古之人古之人行何為踽踽涼涼生斯世也
為斯世也善斯可矣闒然媚於世也者是鄉原也萬章
曰一鄉皆稱原人焉無所往而不為原人孔子以德之
賊何哉曰非之無舉也刺之無刺也同乎流俗合乎汙世
居之似忠信行之似廉潔衆皆悅之自以為是而不河

與入堯舜之道故曰德之賊也孔子曰惡似而非者惡
莠恐其亂苗也惡佞恐其亂義也惡利口恐其亂信也
惡鄭聲恐其亂樂也惡紫恐其亂德也君子及經而已
矣經正則庶民興庶民興斯無邪慝矣 孟子曰由堯
舜至於湯五百有餘歲若禹皋陶則見而知之若湯則
聞而知之由湯至於文王五百有餘歲若伊尹萊朱則
見而知之若文王則聞而知之由文王至於孔子五百
有餘歲若太公望敢宜生則見而知之由孔而來至於
今百有餘歲去聖人之世若此其未遠也近聖人之居

若此其甚也然而無有乎爾則亦無有乎爾

定價三十錢

孟子卷之下畢

出版御届明治十二年四月廿八日

東京府平民

編輯人 瀧澤清

荏原郡北品川宿三十二番地

出版人 安藤橘緑

浅草區浅草瓦町二十八番地

發行人 水野慶治

日本橋區通油町十四番地

大阪備後町	小谷	卯兵衛	陸中	盛岡	伊筒	屋	豐治
西京御幸町	大谷	仁兵衛	同所	岩城	屋	久與	兵衛
尾張名古屋	片野	東四郎	同所	根子	屋	久與	兵衛
遠江相良	濱松	新四郎	同所	阿部	源	久與	兵衛
甲斐山梨	井筒屋	豊兵衛	磐城	宮古	清水	甚	太郎
同所	五明堂	庄	同	相馬	丁子屋	與	八郎
信州長野	小掛屋	喜太郎	同	小高	丁子屋	與	七郎
同所	上田	宮島舎	同	白石	高橋	甚	兵衛
同所	鼠屋	甲	同	福島	立身屋	宇	兵衛
同	白田	富田屋	岩代	福島	立身屋	宇	兵衛
同	松本	高見屋	同所	近江	仙臺屋	半	吉
上州高崎	文心堂	源	同	桑折	仙臺屋	半	吉
野州太田	田代	太朗三郎	同	須賀	寶來屋	太	平
下總八日市場	木内	喜兵衛	同所	山形	比國屋	五郎	兵衛
同	小見川	清兵衛	同所	羽後	市村屋	五郎	兵衛
同	古賀	儀	同所	同所	比國屋	五郎	兵衛
陸前	仙臺	伊勢屋	同所	同所	比國屋	五郎	兵衛
同所	高橋屋	安右衛門	同所	同所	比國屋	五郎	兵衛
同所	高橋屋	甚七	同所	同所	比國屋	五郎	兵衛
同所	高橋屋	甚七	同所	同所	比國屋	五郎	兵衛
同	石之卷	三陸屋	同	同所	比國屋	五郎	兵衛
陸中	盛岡	水津屋	同	同所	比國屋	五郎	兵衛
同所	久保屋	庄	同	同所	比國屋	五郎	兵衛

東 京 圖 書 館

漢書門

經

類

函

四架

三三號

四冊